

摘藻堂四庫全書薈要

史部

欽定四庫全書薈要卷七千八百六十九

史部

硃批諭旨卷一上

硃批范時繹奏摺

雍正四年六月二十四日署理江南江西總督印

務總兵官

臣范時繹謹

奏為恭謝

天恩事伏念

臣庸愚下質恭膺

寵命署任封疆

臣自入境抵任以來悉心體察竊念兩

凡此江地方廣遠兵民繁庶其間財賦攸關政令所繫
以及海隅之巡防山陬之保障分任專司其責綦
天下事未有難於此者
重必在得人務求實政臣謹將總督衙門遠近歷
奉

上諭欽遵勿替實力奉行以期全效至於各該地方官
吏之賢否弁兵之勤怠與夫事宜之興革念臣莅
任亦豈能周悉無遺耶祇可將一公字置於胸中
任伊始尚未周知不敢草率徑行以致貽誤容臣
盡其在已勉之而已查訪研求正受人欺誑之時須慎
逐一查訪隨在研求或當密繕摺

防之
奏或當會疏具

題次第請行仰副我

皇上任用之至意但臣自顧識淺才疎荷茲重任夙夜
悚惕唯有恪奉從前所

賜莫移今日之志之

莫看作容易非前人積德深厚自復見理明徹不能心
訓旨矢竭心力不敢移志以圖報

相應也

高深於萬一耳所有微臣感激下悃理合恭謝

天恩謹

奏

覽

同日又

奏為奏

聞甘霖普遍栽蒔咸齊秋成預兆恭慰

聖懷事竊臣於抵任之後仰體我

皇上軫念民生之至意隨即飛飭各屬州縣詳查所屬
地方之秧種曾否栽齊雨澤有無霑足據實開報

聞有數處四五間曾經缺雨
去後茲據安徽所屬州縣陸續詳報俱稱連霈甘

江蘇

霖四野霑足秧苗插齊秋禾俱種又據江蘇所屬
州縣陸續詳報俱稱時雨大霑山圩俱已霑足秧

種栽蒔青長茂盛又據江西所屬州縣陸續詳報

俱稱雨澤應候秧苗皆已插齊各等情到臣內又

朕已

據江寧泗州寧國池州等沿江傍湖地方間有報
稱江湖陡溢漫入圩田窪田之處臣今現在查恤

據稱溢漫等處俟水勢漸平仍可望插秋苗等語

江西收成實好至於三省禾苗大勢復經臣細加訪問僉稱大江

左右今歲可望大有再臣詳查通時米價雖各處

稍有低昂然俱稱比之春季大覺平減臣自身抵

江省以來目睹雨澤之調勻陰晴之順候乃知三

秋豐樂萬寶告成可以預卜是皆我

甚俗

皇上洪福之彌綸萬民之戴

澤也理合繕摺

奏報恭慰

聖懷謹

奏

此等奏報務須據實無隱絲毫不可涉於粉飾

雍正四年七月二十日署理江南江西總督印務

總兵官

臣范時繹謹

奏為恭謝

天恩事竊

臣

荷蒙

皇上隆恩命

臣

署理兩江總督印務

臣

於請

訓之日曾經奏

聞宋參知政事范仲淹係

臣

二十一世祖祠墓俱在蘇

州仰懇

天恩乞於公事赴蘇之日身往展拜並得將所在族人

嚴加教戒業經叨蒙

恩允茲

臣

於在蘇公事之餘獲便道展拜至於在蘇

臣

族

臣

素無往還曾經識認者亦不過一二人除祭

拜之次槩不接見更出示嚴加約束務期各安本

分共樂

昇平伏念

臣家自從

龍以來世受

國恩迨

臣之身遭逢

殊恩者更逾尋常今復以奉

命之榮俾往代先

臣得邀

恩於千載之後即

臣之沾被

高深於靡涯也

臣

無任感激歡忭之至為此繕摺恭謝

天恩謹

奏

但宜務實以實心効實力一切據實無欺即為報朕勝
如此奏多矣再爾會商耗羨一摺留中前已有嚴旨密
諭張楷並經飭諭直省各督撫此事要須爾等細心商
定者朕實代爾難立主見但爾乃蒞任之初且聽張楷
作何辦理為是

雍正四年八月十五日署理江南江西總督印務

都統臣范時繹謹

奏為具報禾苗長發情形恭慰

聖懷事竊照兩江今歲禾苗緣當初夏之際獲雨各有
先後因而插蒔之時間有遲早今查通省禾苗皆
已及時插種種後又值雨水調勻現今官民交相
慶祝其沿江濱湖州縣間有低窪之處不免水澇
經臣一面委勘撫恤一面會同安徽江蘇撫臣等
會疏

題報外今臣查據兩江各屬詳報禾苗情形僉稱禾
質青蔥長發茂盛並僉稱現今米價平減照常各
等情形詳報前來臣復歷採輿論俱稱幸喜七月
以來晴明較多雨水較少其低窪之田待其水消
補種再臣查江西通省禾苗除宜春鉛山大庾三
縣報稱早禾六七分收成外其通省州縣具報早
禾收成俱各八九十分不等臣謹將兩江禾苗情
形繕摺奏

聞謹

奏

實慰朕懷但能竭誠秉公以為國為民之心對越

天地神明斷無不昭示感應風雨以時之理爾等督撫職
任關係甚巨莫易視之此理須實心確信不疑方不有
負朕之任用也時刻勉之敬之

同日又

奏為據實奏明仰祈

聖鑒事竊臣於抵任之後深念錢糧事務上關

國帑先將安徽布政司庫貯銀兩按冊盤查並無虧
空照例移咨安徽撫臣魏廷珍候於

奏銷會

題外今臣前至蘇州又經會同撫臣張楷盤查江蘇

布政司庫貯銀兩據布政使漆紹文冊報應存實
在銀一百四十八萬八千二百七十兩零內有候
欸歸補銀三萬五千二百三十四兩零現無存庫

稱係前任布政使李世仁鄂爾泰並該司各任內
因公動支尚在候欵歸補外查明實在貯庫銀一
百四十五萬三千三十六兩零隨將盤查清冊候
欵歸補緣由照例移咨江蘇撫

臣

張楷候於

奏銷時清查會

題外

臣

仍嚴飭布政使漆紹文限於本年

奏銷之前亟將候欵歸補等項諸欵催歸貯庫倘歸

補逾限即屬虧空

臣

即查明

題叅斷不敢因仍緘默私相容隱合謹繕摺據實奏聞並將該布政使漆紹文冊報候欵歸補各項銀兩附具清摺恭呈

御覽謹

奏

知道了應如此者百凡悉照此據實無隱自然永久蒙朕之眷注也勉之檢舉一摺留中俟張楷來面詢張楷甚不妥協朕欲黜其江蘇之任觀其一切奏對悉屬悖

謬之極江蘇官民作何評議及伊居官實蹟如何之處
爾其據實奏聞

同日又

奏為奏

聞事竊臣於雍正四年八月十四日據淮安府山陽縣
並淮安城守營叅將等同日詳報僉稱本月初七
日定更之後有遊巡兵丁報稱當夜忽有一人同
更夫扭結一人來到營房值有千總吳俊在汛身

往驗看同見被扭之人認係淮關監督慶元家人
康二隨問扭結康二之人是何姓名因何事故據
云我是淮徐道之子姓潘正在說話間突然闖進
淮關內使數人強將康二搶去彼時衆人之中但
認得二人一係康三一係姓沈大衆疾去如飛無
從詢其原由後詢淮徐道潘尚智之子據稱今有
慶監督還我的銀子一萬一千兩裝做十一包放
在五乘轎內要擡往百子堂去今被他內使多人

齊來上前搶轎內銀子我所以拉住這個內使到營房裏來的等語該千總隨趕至百子堂查看果有轎子五乘內尚存銀六包隨問轎夫你銀子是從何處擡來據稱此是潘公子的銀子自淮關署內後門擡出來原是十一包今只剩六包那五色是關上內使搶去了等語遂押交該縣去訖又據該縣詳稱當即訊問轎夫等口供大畧相同各等情到

臣臣

按閱之下不勝駭異查慶元身係差員

掌收

國課豈宜別有贏餘。夤夜給還潘姓。更查潘尚智係
經嚴叅。現在勒追虧空之人。乃有銀兩藏託於慶
元之家。再查慶元身任淮關。積年以來。每每假借
聲勢。任意縱橫。其間必有指稱詐賄於從前。調停
彌縫於事後。種種情事。在所不免。況此案不過偶
一敗露。便有一萬餘金之數。而潘尚智之與慶元
或別有囑賄夤緣藏匿。

國課情節更未可定除移行淮關監督慶元勒解康
二等并一千搶犯到日飭司嚴審確情外臣念慶
元身係京員且恐將來差滿回京難憑質問合謹
繕摺奏

聞或仰候

皇上諭交內部審訊或

欽差京員到南審訊之處統祈

睿鑒施行謹

奏

此事經河臣齊蘇勒奏聞已差京員前往察審矣

雍正四年八月二十八日署理江南江西總督印

務都統

臣

范時繹謹

奏為奏報事竊

臣

看得江寧省城附近地方於本月

初四日起陰晴不定連有小雨每日或一二次不

止接連數日至十三日方始開霽後於十六日起

又復陰雨十七日大雨一晝夜十九日晝夜大雨

聞淮

安一帶地方更甚

一次二十二日大雨接連至夜臣隨齋戒率屬祈

晴後於二十四日漸次晴朗業已雨止彼時經臣差員四外看問據稱山田均無妨礙窪田水聚難消晚禾花豆收成將來恐減分數倘後此隨即晴明尚亦不至成災等語除臣正在遵

旨入闈監臨科場事務業經另行飭勘隔遠地方雨水多寡曾否傷稼容臣於揭曉之後再將年成實在分數繕摺奏

聞外謹將近日江省附近雨水情形先摺奏

聞謹

奏

朕前諭秋成後方敢確信斯言果不誣耶朕悞用張楷
地方上何望雨暘時若爾前稱朕之洪福今可推諉朕
無福乎爾等封疆大吏比古諸侯實主生民社稷所關
甚巨朕頒諭直省督撫曾褒獎田文鏡李衛楊文乾試
看此三省今歲收成若何所以爾等督撫朕用得其人

朕福斯大不可言倘悞用匪人朕即無福矣如此論福
鑿鑿可據若專靠朕福任意營私舞弊而欲文武調協
兵民舒暢地方安輯時和年豐無是理也欲求此效莫
若以至誠格天覽爾前奏似覺有高興光景洪範庶徵
曰狂恒而若若然則多雨咎徵或係爾所感召亦未可
定戒慎恐懼時刻不可去諸懷抱勉之敬之

同日又

奏為遵

旨覆奏事竊臣於到任後細訪前任督臣查弼納居官操守尚無貪婪之蹟但有稱其於保

題武職官員事後遇有餽謝尚敢收受之語再查查弼納在總督任內每歲有安徽江蘇江西藩規銀各四千兩江安糧道銀三千餘兩再鹽規銀二萬四千兩外又小禮銀一千二百兩照常收受為公用日用之費經臣察訪明確據實奏

聞臣再看得江寧將軍臣伊立布自到任之後凡事頗

知勉勵其約束官兵亦能嚴整但人多謂其較之
前任甚屬刻薄者蓋緣向年以來駐防官兵日就
縱弛至不堪言遇有事出而將軍與該管官百計
袒護漸至怙過不改積習難除今伊立布嚴加約
束不肯因循小人等不得遂其為非因而人言藉
藉然而官兵習氣則由此可望振刷矣再臣察伊
立布居心為人凡遇事務不免性情褊急聰明自
用往往自滿之心自得之象現諸詞色所有將軍

臣伊立布到任以來居官為人情形臣不敢飾諱

合併上達

皇上天鑒謹

奏

此奏甚屬公當評論伊立布絲毫不謬朕意伊立布一
到江寧必招物議今果如此但要伊實心為國家効忠
日久人自知也諒伊必不負朕知遇爾其和衷料理以
移易旗兵之陋習

雍正四年十月十九日署理江南江西總督印務

都統臣范時繹謹

奏為欣承

聖訓仰荷

恩頒微臣感激恭謝

天恩事竊臣齎摺把總回南恭捧

硃批諭旨並

欽賜哈密瓜到臣隨恭設香案望

闕叩頭謝

恩訖臣跪讀

硃批欽承之下彌增感惕伏念臣以謏劣之材蒙

皇上委用兩江重任於到任之初見雨水調勻禾苗秀
發據臣迂淺之見遂以預擬有秋遽爾入

奏實屬冒昧蒙

皇上聖諭指示臣始頓悟前非正滋惶恐迨至八月間
陰雨過多不敢壅於上

聞繕摺奏報臣於彼時倍深刻責寢食難安今復凜奉
硃批荷蒙

皇上教訓詳明仰見

皇上敬

天勤民之至意推已及物之深仁今臣昏惰之極不自整
飭有負委任仍蒙

皇上施

恩格外不加譴責

訓誨包容引經

教誡臣不勝感激戒懼從此益加檢束彌切寅畏斷不敢稍自疎縱以下悞地方而上塵

聖懷也理合具摺恭謝

天恩謹

奏

觀爾有張皇莫措光景勉之此任非比馬蘭關只辦一實字遂可稱職兩江事繁覺有不能景象惟以安靜詳

審為務急切求好則大悞矣徐徐經理一切明白後方可見諸施為萬不可急遽慎之一字最要

雍正四年十一月初二日署理江南江西總督印

務都統臣范時繹謹

奏為事關錢糧銷補據實奏

聞事竊查修造天津戰船一案原准部咨為欽奉

上諭事內開江南成造大號趕繒船六隻小號趕繒船六隻舢板船十二隻曾經遵將司庫正項錢糧動

支修造已於本年六月二十二日具報完工嗣據江蘇布政使漆紹文詳稱上下兩江各委官等具領辦料銀兩共經發過四萬二千六百三十兩零臣念此項動用銀兩支領過多難憑銷補亦曾咨詢閩省開銷之例如江南所造船數約畧估計僅值六千五百六十餘兩較之用過銀數大相懸殊臣隨屢飭查核再四駁詰據承委各員僉稱辦用物料俱係採覓樟木並所需釘鐵油麻分外加料

又稱在承辦之時督撫有但儘力修造不必計費之言所以支用過多等語臣念應需物料縱係遠出採買亦不至經費逾格至於若此况既稱不必計費儘力修造則彼時上司自應督催委官不時監察令其堅固方為合式今駕送船隻舵桅損壞明係經管之督撫上司罔知節慎不過故示急公之語而承委各官遂得任其浮泛之用究致貽誤欽工而虧缺

國帑今雖上下兩江藩司籌畫彌補議及協貼議及
公捐終屬以緩濟急帑項現在虛懸彼督修承修
等官始而不妥議奉行繼而不查核節慎以致支
用浮多不敢請銷貽累通省公捐而從前之督撫
承委等官轉得優游於事外豈為平允臣查修造
戰船支領銀兩除可以請銷數目外所有浮用銀
三萬六千餘兩請著落督修之督撫並承修等官
各名下照數分賠庶乎各屬無庸公捐而帑項不

致懸虛矣為此謹

奏

所議殊屬未協浮冒銀兩自當責令分賠如不能賠補應作何處分從何着落如此議確方可允行也

雍正四年十二月初六日署理江南江西總督印務都統臣范時繹謹

奏為欽奉

諭旨察明奏覆事前臣接奉

欽發原任江西安福縣知縣劉學愉奏請分縣一摺奉
硃批諭旨有人條奏此事爾可徐徐察明應行與否密
議奏聞欽此

臣

隨悉心詳查得江西之安福永新兩

縣地方皆傍大山綿亘通聯俱有上西鄉二處地
名相同地方相連中有分水亭為兩縣分界之處
因地方僻在山陬去城寫遠蠻野性成每當徵收
之時差役不能制服是以歷來兩縣錢糧舊欠未
清新徵不足揆厥所由皆緣去官既遠化導未周

徵收不便之故也臣今查兩處上西鄉地方課賦

合計約有一萬四千餘兩居民散處特遠刁悍兼有流寓棚民雜處於荒山窮谷之間該縣令實有瞻顧不及之虞若將兩處歸併專設一縣自能就近治理查永新縣之連化地方舊有同知空署可以改設縣治但臣伏思改設縣治未免重費經營抑或仍遵舊制移令該同知駐劄連化親蒞教誡以資化導亦屬相宜臣謹將地勢民情備細查明

密議奏

聞仰候

皇上睿鑒施行再臣於分設議內仍有請者若設縣治則有倉庫城垣俱需防護應請另添一營增設守備一員把總一員馬戰守兵照永新營制依例增設若止移駐同知亦應添設千總一員量添守兵五十名以資彈壓臣謹據臣愚昧之見一併具摺奏

聞謹

奏

再加細訪確議具疏題奏將飭發條陳緣由疏內不必
敘入

同日又

奏為欽奉

硃批諭旨臣感激恭謝

天恩事竊臣標齋摺把總回署臣謹接奉

硃批跪讀

聖訓臣當瞻奉之頃具知

睿鑒之聖明如對

天顏之和霽隨恭設香案望

闕叩頭謝

恩訖伏念臣自署任之後諸凡叢脞未効寸長蚤夜捫

心實深愧懼幸得仰奉

恩綸過蒙勉勵

鑒知臣於此任實有張皇莫措光景

俯加體恤

教導周詳似此

聖恩實有加厚於

寵恤榮褒之外者

臣

非木石不禁稽首涕零五中激切

又蒙

諭以安靜詳審不可急切求好徐徐經理一切明白後
方可見諸施為萬不可急遽慎之一字最要煌煌

天語教誡明切惟有凜遵恪奉盡臣之心思竭臣之精力從此事事詳審刻刻敬慎勉期不負我

皇上教誨之

恩矜全之

德於萬一所有微臣欣承

聖訓感激愚誠合謹繕摺恭謝

天恩謹

奏

好之一字欣羨不得不好二字畏避不得大學云心有所好樂恐懼皆不得其正百凡惟宜靜待事來順應任其紛雜目前所辦者不過一事耳一事畢然後又辦一事如理亂絲終有頭緒勤字最為要緊然欲勤若非以誠格神默助精力亦恐時有不逮爾其遵奉行持試看驗否更須慎防受人欺誑至要至要

雍正五年正月初二日署理江南江西總督印務

都統臣范時繹謹

奏為

聖世嘉徵協應黃河效順澄清恭賀

上瑞敬抒歡誠事雍正四年十二月三十日據淮徐
道詳報所屬上自虞城縣下至邳州交界一帶黃
河於本年十二月十六日澄清又邳睢交界起至
古城止並桃源縣所屬一帶黃河於本年十二月
十七日澄清實屬千古奇逢相應飛報以紀嘉徵
等情前來臣接閱之下不禁抃舞踴躍之至欽惟

皇上德備中和

功崇位育茲當歲序更新之候正值

皇上大慶之年

天錫純禧頌

春臺者千八百國河流清湛綿

寶厯於億萬斯年

臣躬際

昌期欣逢

瑞應仰無疆之

仁壽歡忭彌殷瞻

有道之化成賡颺恐後祇緣時值遵例封印不及恭疏
題報今謹繕摺先行奏

賀為此謹

奏

此實

天錫嘉徵然我君臣正當自茲倍加寅畏候另降旨由部

頒發

同日又

奏為欽奉

諭旨恭謝

天恩事雍正四年十二月二十六日江寧將軍臣伊立

布

陛見回任臣謹率屬出郊跪請

聖安伊立布密傳

上諭臣俯伏跪聆仰蒙

皇上天恩高厚

聖訓優容臣於欽奉之下感激惕勵交集於中隨望
闕叩頭謝

恩伏念臣以武職出身於吏治民情實未諳練自蒙
皇上殊恩任用署事以來事事荷

聖主之矜全時時蒙

王言之指示

恩出格外感溢五中今復蒙

皇上念臣之庸劣

鑒臣之愚誠

訓諭遠頒洞燭肺腑臣何人斯叨蒙若此唯有凜遵
聖訓實力奉行以期上報

高深於萬一所有微臣欽奉

訓旨感激愚情合謹繕摺奏

謝謹

奏

應感謝者常能受寵若驚自必悠久蒙眷若稍肆志則境亦隨之天難諶三字時刻不可去諸懷也慎勉為之
雍正五年正月十九日署理江南江西總督印務
都統臣范時繹謹

奏為奏

聞冬雪均霑春耕禱益事竊臣查上江各州縣除寧國
太平廬州三府並廣德六安二州所屬地方俱於
去年十月二十三四等日先期得雪外又於十一

月十四五六等日以及十二月初三四五等日通
省州縣俱報得雪大槩霑足又查下江地方通省
州縣俱於十一月十四五七等日連次得雪又於
十二月初三四五等日各屬州縣盡報得雪通省
霑足上下兩江二麥可卜豐收農民俱各懽忭再
查上下江入冬米價厯據報稱俱皆照常即當茲
歲暮春初之時亦未稍有加增萬口歡呼人情安
樂臣身任地方目矚輿情實深踴躍理合奏

聞謹

奏

覽奏冬雪米價情形深慰朕懷大凡身任牧民之責者
但能以誠敬二字對越

神明則

穹蒼之感應朕可保其必然至於後天作用任其聰明才
智學問本領非徒無益而有害也此理信得及一分受
一分福信不及一分增一分孽若肯於此加勉能事畢

矣勉之慎之

雍正五年二月十三日署理江南江西總督印務

都統臣范時繹謹

奏為奏

聞事雍正五年正月初四日准戶部咨開為欽奉

上諭事荷蒙

皇上仁恩浩蕩

俯念江省去歲雨水稍多間有歉收既經蒙

恩賑恤今復預籌積貯以濟民艱更

諭以被災地方徵漕緩半又

特遣京員確查存漕米石分別留運平糶臣除將欽奉

事宜俱謹遵照奉行外今

欽差左副都御史臣鄭任鑰戶部員外郎臣保住等業

於正月二十九日到省經將江安糧道存貯還漕
之米二萬八千五百八石零一一盤兌皆係實貯
清查已訖當於二月初二日江蘇撫臣陳時夏到

省會商臣等謹念事關

恩諭接濟民食不敢延遲現經臣等公同酌議分別平甚好

糴另疏會

題臣謹先摺奏

聞恭慰

聖懷再臣復有奉到欽奉

上諭事雍正四年五月初一日准工部咨開會議得條
奏內稱疏濬淮揚運河行令總河會同總漕江南

其再

三詳悉籌畫一勞永逸之策為之若草率苟且以

臣

茲臣

於正月十六日准總河

臣

以

議具奏等因到

臣

圖了

事徒勞無益也

臣

茲臣

於正月十六日准總河

臣

以

議具奏等因到

臣

督撫詳加查勘測量淤墊確估工料作何挑濬妥
齊蘇勒移咨會看日期理合遵照前往除將起程

日期恭疏

題報外今臣於本月十三日自省起行前赴淮揚一
帶會勘河道合併奏

聞謹

奏

覽

雍正五年三月十二日署理江南江西總督印務

都統臣范時繹謹

奏為遵

旨覆奏事竊臣遵

旨查得江寧府知府郭如榘本非老練長才但辦理事務尚能供職未至貽悞操守亦祇中平再觀其存心雖屬謹飭然不免留心趨避於本管司道用意

聯屬同官之中好事結納凡意見不合者即故為
抗持以示孤介是皆久於外任積習漸染經臣屢
加教導近雖知儆戒但積習未除非老成可任之

員臣蒙

皇上諭旨垂問合謹據實奏

聞謹

奏

所奏郭如榷甚公如可以造就有成則應姑留以觀後

效若竟不稱職省府要任豈可令其貽悞候朕調來審
觀酌定

雍正五年三月二十四日署理江南江西總督印
務都統臣范時繹謹

奏為奏

聞請

旨事竊照表率屬員必需幹練之材而兼綜府務尤冀
久成之效臣看得廬州府知府趙向奎到任方及

三月茲據該員呈報請丁父憂前來臣查職官丁

憂著有成例何敢冒昧陳請但念廬州一府民風
吏習頑蔽日深更兼合肥一縣附郭府城積年以
來錢糧玩欠盜訟頻仍正需強幹勤敏之員整頓
革除臣查趙向奎前任嘉定縣任內凡於除暴催
科多能實力奉行歷有成效上年趙向奎陞授知
府臣方深幸

皇上委用得人詎意該員今報丁艱臣緣地方事務起

見既不敢因循成例貽悞地方又不敢逾格乞
恩遽題留任今特繕摺奏

聞仰乞

皇上俯念地方關係得人為要得蒙

恩諭該員在任守制實於地方獲有裨益合謹奏
聞伏祈

皇上睿鑒施行謹

奏

趙向奎實心任事之員應留任者已有旨諭部矣但恐其失之稍急而過莫慮不及整飭屬員當激勵此風如假借和平安靜之名而一味因循瞻徇此鄉愿之習宜力為振刷屬員趨向全在爾等好惡去取間也至其氣質之偏無心之過要須寬恕而成全之爾等責任除察吏二字外無別事也勉之勉之

同日又

奏為請

旨事雍正五年二月初八日通州知州李世裔到省轉傳

上諭為通州水口建閘一事臣謹於會勘淮揚一帶河道之便即會同撫臣陳時夏於二月二十九日抵通連日率同該知州等赴各水口查看查得通州水口雖多惟觀音壩鹽倉壩唐家壩三處水口最關緊要但觀音壩地係流沙難以建閘鹽倉則係廢壩建立閘座不若仍將舊壩修築早則可蓄滂

亦可開惟唐家壩離城不遠若修理閘座開濬淤
塞以時啟閉則水旱皆可無虞矣適臣等有公同
赴淮之便歸途順赴通州勘明建閘築壩情形繕
摺奏

聞請

旨批示倘蒙

諭允准行則唐家壩原有閘座不過畧加修整其開濬
淤塞費亦無多統俟奉

旨准行之日飭令地方官逐一勘估工料造冊具報臣
等另行

題明酌動帑項修理謹此合詞具

奏並繪圖恭呈

御覽伏乞

睿鑒批示遵行謹

奏

通州閘壩朕未身經目覩所以諭令爾等斟酌應行者

具疏題奏不宜者於疏內聲明此亦爾等現行現議中
事也

雍正五年閏三月初八日署理江南江西總督印
務都統臣范時繹謹

奏為奉到密飭

上諭事雍正五年三月十六日接奉內閣密封

上諭一道臣謹祇受訖伏惟黜幽陟明實

國家之大典而賞善罰惡乃

王法所當行我

皇上以善望天下以正導人心久矣

化行教溥即頑梗之克苗盡已草面草心輸誠向化乃
猶有董起弼等類者奸惡性成潛行竄匿所犯情
罪已屬難容漏網脫逃尤當不赦臣身任地方久
奉

諭旨雖經節次嚴飭多方跣緝尚未弋獲自顧疎忽正
茲惶懼今幸蒙

皇上密降

諭旨更蒙

指示周詳

臣謹欽遵奉行於

臣屬各員切實飭知備細

指授務期設法派人重懸賞格嚴行稽查加意盤

詰斷不使匪類得以漏網而

臣

等地方官弁自貽

罪譴以上負

天恩所有微

臣奉到

密諭欽遵緣由合行繕摺奏

聞謹

奏

一切緝捕人役當開列一單置諸左右不時密飭屬員
令其勤加考察如能緝獲者格外賞賜以示鼓舞如此
方為勸懲之道若虛應故事致令姦匪漏網以為寬仁
則大悞矣勉為之

雍正五年四月二十六日署理江南江西總督印

務都統臣范時繹謹

奏為奉到

硃批諭旨

臣謹欽遵事前臣覆

奏江寧府知府郭如楸一摺奉到

硃批

臣已跪讀欽遵訖今更蒙

特旨調令來京引

見業准部咨到

臣

現經給咨該員俟代署接任當即催

令赴京再

臣

又奉到

臣

奏請廬州府知府趙向奎

在任守制一摺跪讀

硃批仰蒙

皇上垂念地方

恩諭趙向奎在任守制俾臣於地方事務獲資臂指趙
向奎荷蒙

任用自當益加奮勵更令通省臣庶皆知我

皇上體察吏治之盛心委用臣下之至意自無不鼓舞

奮興共相效法者乃臣更蒙

訓諭令臣留心察吏勉力奉行臣唯有敬謹體認務期

與闔屬官吏一體奉行仰圖報効斷不敢浮慕虛
名因循廢事以上負

皇上成全造就之深恩所有微臣奉到

上諭感激欽遵下悃理合繕摺奏

聞謹

奏

覽

惟宜務一實字將爾漢軍虛偽習氣除盡方好少留纖

毫貽累不輕後悔莫及勉之勉之

雍正五年五月十四日署理江南江西總督印務

都統臣范時繹謹

奏為奏報二麥收成分數恭慰

聖懷事竊臣查上下兩江各府州縣二麥收成分數據

報自六分以至七八九分不等惟上江之和州廣

德二州以及所屬縣分有報稱陰雨過多冰雹偶

傷之處然統計收成皆有六分以上其下江之江

寧縣地方間有圩田報稱被淹者一二處又丹徒縣亦偶因雨雹間有損傷一二區者雖江省今歲麥熟未至十分然實溥遍均平頗覺豐足各處米價當青黃不接之時尚不甚昂現今二麥登場將來自可平減再查江省雨水在初夏之時甚屬霑足現在插種秧苗將及遍滿臣自江寧赴常秋審在途一路目矚歡情合謹繕摺奏

聞謹

奏

深慰朕懷果如所奏統計大勢有秋其中不過一二村莊水電損傷無多爾等力量可以料理俾不致失所自不應具題致駭聽聞也但須一一據實絲毫不可隱飾雍正五年六月初五日署理江南江西總督印務都統臣范時繹謹

奏為恭謝

天恩事竊臣前往淮安會同

欽差戶部郎中臣額爾成格等暨上下兩江撫臣文勘

新淤地畝途次常州接到臣標齋摺把總齋回

硃批奏摺並

恩賜香定一匣到臣臣謹望

闕謝

恩祇承之下實深感激倍切悚惶唯有頂戴

聖恩克勤臣職圖報

高厚於萬一合謹繕摺

覽

卿奏謝

知道了

但務表裏如一言行相符

奏謝再

臣附有奏

聞者今臣會同

欽差官員查丈新淤地畝業經臣先委廬鳳淮徐各道
及府縣各員飭將上江省屬之泗州虹縣下江省
屬之桃源睢寧宿遷各州縣一帶新淤地土分別
界址詳加察考已據查報桃源睢寧宿遷三縣約
有一萬三千餘頃其泗州虹縣地方亦有新淤正
在確查再臣於未事之前察知新淤一帶地方多

嚴查

清理

有侵占蒙隱之弊深恐臨時受其朦混所以分委道府等官逐細研查斷不敢輕容土豪之占據亦不敢漫信屬員之隱瞞惟期妥協辦理經畫久長臣今身歷各屬得瞻大地之平行仰識格

天之瑞應更見所在編氓無不歡呼載道咸稱

江南黎庶心非木石屢沐朕恩寧不知感耶

帝力共頌成平除臣等現在查勘丈量畝數分別陞科

事竣之日另疏會

題外所有地方民情新淤大勢合先繕摺奏

聞謹

奏

覽

同日又

奏為請添監督之員以專責成酌分承修之廠以重

欽工事臣謹看得海洋戰船事關軍務所繫匪輕臣查

亟宜

留心經理者

每歲各營應修船隻現在揚鎮二廠所修極力催
趲可無遲悞惟蘇松二廠共有應修船六十隻又

舊案未完船二隻為數較多不能依限報完揆厥
所由實緣從前改歸道員廠所歧分不能親身督
率之故查原奉部議委道官一員領銀修造今以
一道而司三廠之事不免有顧此失彼之虞雖曰
每廠各派廳官一員分司其事而官小責輕仍與
舊例之州縣承修無異雖經臣嚴加申飭節次督
催每每完竣愆期今臣備荷

殊恩身膺重任於海防要務敢不詳悉籌畫據實陳

動拘成例殊屬可笑

奏冀於成例之中

此等小事何用再四思維

稍加變通酌分責任俾得轉遲為

速永獲裨益臣謹再四思維可否將江南省承修

戰船以鎮揚二廠仍照前委歸江鎮道管理其蘇

廠並外有之松廠即可分委蘇松道就近管理庶

幾官能兼顧事有專司監督之道員得以往來查

看不致有失察之咎而承修之聽員亦不以官小

責輕相沿玩忽矣臣謹繕摺奏

聞仰乞

皇上恩賜批示臣即恭疏具

皆可

題請

旨再臣復有奏

聞者查修造船隻除動帑之外舊有協貼之項經前議
疏內聲明乃各州縣視為捐款起解遲延監督承
修等官往往不能應期湊手以致稽悞

欽工臣今另檄布政司將每年協貼銀數預為核計飭
應如_{是科理}知各州縣與正項錢糧一體催題收貯司庫庶得

隨領隨給不致藉口搪延實於公事有濟合併附摺奏

聞謹

奏

此事全在爾委任責成具題亦可咨部亦可即徑行委辦亦未為不可部議一道三廳不過議其大概耳或三道二道四廳五廳若有廉幹之員任爾添委承辦何須如此作難煩瑣請遇事擔當不避嫌怨是乃大臣之

責若止以潔已謹飭自便恐反致悞事切戒切戒

雍正五年七月十五日署理江南江西總督印務

都統臣范時繹謹

奏為奏

聞事竊臣據淮安府知府劉之頊詳稱本年七月初四日因奉調在清江浦同

欽差丈量淤地適淮揚道亦奉調在浦於初五日申刻忽聞漕標左營兵丁在城嚷鬧赴縣交甲等信該

道府隨皆星飛回淮至朱家溝汎地見有船三四隻裝載多人問係左營兵丁口稱副將興王政待兵刻薄我等情願退兵為民併稱已交盛甲必欲告狀等語該道府隨即再三理諭衆兵俱皆入城僉稱只求轉報做主等語仍將盛甲八十三副堆放縣堂齊集廟內不散各等情詳報前來臣又續據淮徐道康宏勳稟稱事緣副將興王政辱罵兵丁責草太過因而聚譟騷擾又稱彼時衆兵沿街

鳴鑼逼勒百姓罷市拆毀領旗房屋又亂搶淮城米舖一家以致百姓罷市三日各等情稟報到臣

臣念漕臣押運赴北現今彈壓無人不敢分別彼此輕視地方隨委鎮江營叅將前往淮安會同知府曉諭各兵照常歸伍並嚴查該副將刻薄致釁緣由據實詳報又經批飭司道飛查起事情節備細通詳去訖現經臣查據府詳另疏

題叅外所有官兵多事臣業經委員曉諭兵丁嚴查

營將緣由合先據實奏

聞謹

奏

已有旨矣可嚴行察審毋縱毋枉兵丁離伍聚譟干犯
法紀此風不可長其情狀可惡者即一名亦不可寬免
雍正五年八月二十三日署理江南江西總督印
務都統臣范時繹謹

奏為荷蒙

金史卷一百一十五
卷一百一十五
聖訓恭謝

天恩事竊_臣前奏覆江寧府知府郭如榘廬州府知府

趙向奎二摺叨奉

恩旨經_臣奏謝原摺齎回內蒙

殊批訓諭_臣祇領開讀伏念_臣才識短淺負疚良多蒙

皇上諭訓頻施優容格外俾得遵循勉勵圖報

高深_臣等漢軍習氣本多虛偽此_臣子不可一刻存之

於心一毫用之於事自取罪愆者也幸蒙

皇上俯念臣愚

特加訓誡欽承之下感愧滋深臣本微末旗員蒙

皇上超拔擢用五載之內驟至今職

寵出望外迥異尋常撫心自問受我

皇上如此

深恩正宜竭盡純誠上思報効之日何敢同流合汚自

貽罪戾惟有將歷來奉到

上諭存心體認實力奉行於漢軍虛偽習氣痛加改悔

凜遵

恩訓一念不忘終身勿替以期上報
隆恩於萬一所有奉到

諭旨理合繕摺恭

謝謹

奏

自朕即位以來非分被擢者不可枚舉內並無一藩邸
私人而背恩負國之徒往往多有所以朕亦難以君子

之心度小人矣爾果能存此心獲福不盡不能堅此志
為害無窮但照所奏言行相符則是矣至爾所保薦之
員甚合朕意操守可謂上好其餘雖無可褒嘉朕諒爾
未諳能此二者根本已立諸務熟練後自必有為矣勉
之勉之

雍正五年十月十八日署理江南江西總督印務

都統臣范時繹謹

奏為恭謝

天恩事竊臣標齋摺把總捧回

硃批奏摺並

恩賜哈密爪到臣隨恭設香案望

闕謝

恩臣欽承

聖訓仰荷

恩頒驚

寵錫之自天彌悚惶而無地問心滋愧頂戴難勝伏念

臣庸愚下質自知謏劣蒙

皇上天鑒因臣保薦人員

恩賜指示勉勵後効又蒙

皇上俯察臣操守不以臣為貪劣奉茲

溫諭愧懼尤深唯有恪遵

聖訓時加儆惕不以嫌怨之端輒生畏避不以請託之

故稍涉偏私堅持此志實力奉行以上報

隆恩於萬一為此繕摺奏

謝謹

奏

所奏好竭力勉為之知人則哲原係甚難之事但不可過信屬員當隨事隨時體察非疑也乃詳細鑒別之道也能不被人欺惑諸務何難就理

同日又

奏為奏報秋成分數恭祈

睿鑒事

臣謹看得江南地方素稱澤國地多窪下沿江

傍湖之田於夏秋之次緣江潮湖溢不免水患業經撫臣等會同題報查勘在案然數處被災於秋成大勢不相妨礙經臣歷查江省地方夏秋以來晴雨適中禾苗茂盛目今早稻俱已登場晚禾亦皆次第收穫茲臣查上下兩江及江西省各屬地方秋成分數自六七分以及八九十分不等大概皆屬豐收並查現在米價日就平減即有一二薄收之處移豐濟歉將來米穀諒亦不至缺乏騰貴

合謹據實奏

聞謹

奏

覽奏秋成分數深慰朕懷

雍正五年十二月初十日署理江南江西總督印

務都統

臣范時繹謹

奏為恭報瑞雪及時

恩膏溥遍事竊

臣前奉

諭旨會勘淮揚水利淤田在途之次據上江通屬州縣
報稱於十月內得雪一二寸或三四寸不等下江
州縣同時亦有報稱得雪之處又臣於十一月十
八日回至揚州地方值本日天氣濃陰始則微雨
繼而成雪接連入夜至二十日辰時方始開霽不
分高下田原悉皆霑足臣幸際時和欣逢上瑞並
覩官民交慶咸稱

帝澤彌綸嗣臣於抵署之後備據兩江地方州縣次第

報稱十八九二十等日咸得瑞雪深者八九寸以
至逾尺即最淺者亦皆六七寸不等僉稱今冬得
雪十分霑足於來歲春田大有裨益並稱現今米
價平減民食豐裕臣謹念今歲江省已獲有秋乃
復瑞雪及時盈寧預兆彌仰我

皇上仁慈育物誠敬格

天俾臣民戴

澤均無涯涘所有恭逢瑞雪日期合謹繕摺奏

聞謹

奏

朕日理萬幾刻無寧晷毫不體朕且值歲底事繁那得工夫覽此幕客閒文况朕屢經訓諭只待秋成方可釋懷冬雪不過來年預兆耳何至如此誇張聲勢觀汝並無兢業之心若屢訓不悛則為下愚不移矣

同日又

奏為遵奉

諭旨事竊臣接到兵部遞至和碩怡親王大學士張廷

玉寄字內開雍正五年十二月十二日奉

上諭聞得江南徐州之南六十里地名呂梁呂梁之南
二十里地名雙溝此一帶黃河水程時有賊船出沒
行旅時受其害甚不安靜不知總督范時繹何以不
能查拏禁止爾等可密寄信與伊知之欽此欽遵到

臣臣
於奉

命之下自維踈失悚惕滋深伏念江南河路多係宛轉

深念

相通河面船隻往來如蟻賢愚混雜其間最易藏

爾等

奸臣身任地方深念其弊凡於接見文武官弁必

屬員

以安靖地方即望其實力奉行無乃太迂乎汝飭行

力畫

汛雖隸漕標但念臣有統轄之責不敢膜視無不

條亦

留心察訪嚴加戒飭詎意黃河一帶水程尚有賊

而獲

船害及行旅以致上廛等督撫則不勞朕費精神也

宸衷

臣疎於查察咎實難辭謹於奉到

諭旨

之日隨指明地方詳咨漕臣俾其專飭所管標營

人相似何乃言及漕標況黃河係爾屬境地方即境外
並即嚴檄該地方文武官弁以及隣近之州縣營
賊盜爾豈不當留心耶
汎務皆實力查拏俾宵小潛蹤商民安堵以仰副

我

不過徒作文章耳看汝似有不能光景
皇上弭盜安民之至意所有奉到

朕代爾勞理應感激者

恩諭指示臣實深悚惕感激難勝合將欽奉緣由繕摺

奏

聞謹

奏

覽

同日又

奏為奏

聞事竊臣接到內閣寄字內開怡親王大學士張廷玉
轉傳

上諭祖秉圭之母年逾七十因貴州路遠且盤費不敷
未曾前往祖秉圭任所至今尚在安慶今祖秉衡補
授大同總兵欲迎養伊母爾等可寄信與范時繹魏

廷珍或酌量幫助盤費或給與驛遞夫馬並遣閒散
微員送到大同任所欽此欽遵到臣仰見我

皇上聖恩高厚

愷澤周詳俾祖秉圭之母得以遲暮有依祖秉圭之身
得以殫心供職不獨祖秉圭母子兄弟身受

隆恩者頂戴

高深即臣於恭奉

上諭之下實不禁感激思奮踴躍奉行隨咨會撫臣魏

廷珍並即遴委老成謹慎閒散微員令其星速賫
資前赴安慶公同撫臣幫助銀八百兩以備長途
之用業於十一月十九日自安慶起程由陸路赴
大同總兵任所合謹奏

聞謹

奏

不能緝盜以靖地方察吏以安百姓偶爾小事何須此
一篇虛文於此等處以為遵旨盡職可乎

雍正六年正月二十二日署理江南江西總督印

務都統臣范時繹謹

奏為欽奉

聖訓恭謝

天恩事竊臣前覆奏嚴緝徐州之南呂梁雙溝一帶水
程賊船原摺奉到

硃批臣於跪讀之下不勝儆惕愧懼痛自刻責豈惟臣
迂疎浮泛痼疾難逃

洞鑒即屬員玩愒積習臣未經竭力整飭之處亦在

聖明照察之中臣當欽奉之際不禁浹背汗流惶悚無

地所有該地方賊船奸匪臣謹加意設法又經密

差精細幹員暗訪查拏更復酌設巡船以資捕緝

務期地方寧靜商旅安行臣不敢泛泛從事仍蹈

前轍上負

皇上寬仁教導之至意再臣伏念江南地方河路甚多

其間奸匪出沒害及行旅亦所不免臣更得凜遵

聖訓推廣奉行一體實力稽查以早為弭止所有微臣
欽遵感激下悃合謹繕摺恭謝

天恩謹

奏

覽

如此方是治天下急務首在用賢敷教次則緝盜安良
二事耳餘皆末節勉之勉之

雍正六年正月三十日署理江南江西總督印務

都統臣范時繹謹

奏為荷蒙

御賜恭謝

天恩事竊臣齎摺把總回署奉到

硃批並

恩賜荷包一個內金玉八吉祥十六件臣謹恭設香案

望

闕叩頭謝

恩祇受訖伏念

臣

自歷任以來事無鉅細皆仰賴

皇上聖明指示有所遵循無如臣賦性昏庸每因冒昧

自取罪愆仍屢蒙

皇上格外矜全諄諄

訓誡是臣身受我

皇上優容教導之恩正臣感激悚惶鏤心刻骨之日也

今叨蒙

天眷優渥有加無已荷茲

賞賜自顧難勝唯有恪遵歷奉

恩諭黽勉奉行以期仰報

深恩於萬一所有微臣奉到

御賜感激下悃合謹繕摺恭謝

天恩謹

奏

兩江重任事雖繁多竭力靖盜乃第一要務勉之當百
計思維善策可也

雍正六年三月十七日署理江南江西總督印務

都統臣范時繹謹

奏為謹報雨澤霑足麥苗長發情形恭慰

聖懷事竊臣欽奉

上諭前往松江會同

欽差郎中臣鄂禮等查勘海塘工程現在會疏具

題外

臣於途次念沿海一帶水陸營汛關係緊要凡

若處處

必待親身閱歷非理也任爾紆道就觀屬員業

遇所到地方皆一一查驗嚴飭操練他如相連營

經早

作准備所以巡察御史經由之地率皆那借候察

查過

分隔越不遠者臣皆紆道就觀留心察看旗幟

懲實

器械墩舖船隻頗皆整齊唯各兵弓箭生疎者多

要事

力稽查不過如此塞責地方焉能整理靖盜更為

俱經臣責令學習再四申飭再臣經往來於江常

勉力為之不可止以潔已為勝任也

蘇松各府屬地方歷見隨處麥苗悉皆長發四野

青葱又喜二月之內晴雨得宜在在田疇滋生繁

盛又看得到處水塘近因連次足雨皆得蓄注盈

滿秧稻可資灌溉臣又檄查上江省屬及江北各

府屬麥苗雨水情形歷皆報稱二麥長發茂盛雨

水霑足入春米價不增民食豐豫萬姓安樂各等
情形據報到臣並臣身過地方目矚麥苗長發情
形合謹據實奏

聞謹

奏

據奏麥苗雨水情形深慰朕懷直省今春膏澤霑渥誠
可謂

天恩浩蕩難名但切勿肆志當愈加敬畏黽勉吏治果能

令兵民和暢則

上天之感應朕可以操左券也願與諸卿共勉之

同日又

奏為恭聞

恩諭頂戴難勝臣謹瀝情陳

奏仰祈

睿鑒事竊臣恭讀

恩諭命江蘇安徽江西三省撫臣計議臣總督衙門養

廉臣一聞

恩命百愧交生感激之情實難緘默伏念臣自歷任以來身受格外之

恩微末愚誠唯矢不忍欺

君不敢負

恩之念凡遇屬員餽送以及私賄營求種種嚴加杜絕不敢一毫染指此亦臣分之當然臣職之當盡者乃致上蒙

天鑒議給養廉臣不惟感

恩無地彌覺負罪靡寧何敢竊操守浮名冒邀

聖澤而不據情瀝陳於

君父之前也伏念臣衙門舊任相沿原有江蘇安徽布

政司每歲平規銀各四千兩江西平規銀四千四

百兩江安糧道銀四千兩兩淮鹽規銀二萬四千

兩小禮銀一千二百兩江西鹽道口岸引規銀二

千兩臣於到任之後將兩淮鹽規一項交貯安徽

藩庫歸為正項報部前經臣具摺奏

聞其江西省解送口岸引規亦經臣仍發該省司庫存

貯歸公今現有三省藩庫平規之項並江安糧道

一項臣尚存為衙門支應邇年以來凡賫本犒兵

以及獎賞員役貼補零星各項動用并臣衣食薪

水之資悉皆取給於此是臣衙門每歲所存平規

尚有一萬六千四百兩之數已有養廉儘可足用

矣臣身受

皇上高厚之恩不能廉介自持一絲不苟仍復動用平規負罪實深今驚聞

恩命感愧交集益慚冒昧於從前何敢復冀

殊恩於望外凜慄愧懼莫知所云除將臣總督衙門舊

有規項並臣任內已未用過各數目及現在已有

養廉不敢冒邀

聖恩之處分移三省撫臣懇為查照核議奏

聞外仰懇

皇上俯念愚誠

允臣奏請

勅下江南江西撫臣等停其計議具奏庶臣犬馬微忱
得稍安於萬一為此瀝情陳

奏伏乞

皇上睿鑒施行謹

奏

所奏知道了覽所存之數較之他省督臣養廉仍覺不

敷俟三撫議奏時朕再為斟酌

雍正六年三月三十日署理江南江西總督印務

尚書

臣范時繹謹

奏為奏

聞事雍正六年三月十四日突有外來棍徒直至臣署

據投手稟開稱范嵩係浙江定海衛籍身是廕生

曾經具摺恭賀

萬壽據伊家人自京賫回奉內務府抄發小封內係

主子面諭並賜繡寶箭標著臣郊迎恭接開讀等語臣

以事涉荒唐隨將所賫等物一一拆看見其旗箭
樣式製造怪僻所繫密封外無印信內用黃紙書
寫種種不倫且其間字句尤覺支離再令旗外封
之硃筆標字全非清書文理事屬可疑隨將該棍
犯拘交江寧府研訊今據訊供這是我家人錢忠
自京裡拏出來的上年九月內與了他三十兩銀
子叫他進

萬壽摺子據他說是圓明園繳進的這東西是內務府
發出來的又據供錢忠住在定海鄉間今在京裡
崇文門頭條衚衕開白酒店有家眷的二月二十
四日交了這些東西二十八日就起身進京去了
又據訊供那

上諭並繡寶旗箭據錢忠說是同趙基大家料理弄出
來的趙基是福建道御史係寧波府鄞縣人又據
訊供身係康熙元年廕生到雍正二年伊父故後

經浙江巡撫李衛於雍正四年五月內咨部頂補
的等語除現在移咨步軍統領並順天府尹衙門
就近在京查拏夥棍錢忠解發來南又經咨查浙
江督臣李衛詢明該犯是否廕生曾否咨部頂補
有無假冒情弊並移明浙省轉飭該地方官在錢
忠本籍嚴密訪拏移解到日以便質審定擬外臣
又查范嵩供詞內稱賫到等物係自內務府發出
又稱是錢忠同御史趙基大家料理等語今內務

府果否發出物件御史內有無趙基其人臣在外
任未能確知合謹將所賫抄傳密封繡寶令箭附
摺進呈

御覽並懇於

諭旨指示之日仍將繡旗等物發回以便拘犯質審臣
緣棍徒不法情罪重大不敢隱諱謹先繕摺奏

聞謹

奏

於此奏未到之前阿齊圖據爾來咨已經奏知矣伊現
今在京城嚴緝該犯繡旗等物發交來人帶回前郭琪
來京引見時抱病甚劇語言昏憤爾宜酌量若不能料
理職任內事即當諭伊告休或叅奏令其解任如猶可
勉強辦理不至貽悞則且不必

雍正六年四月初八日署理江南江西總督印務
尚書臣范時繹謹

奏為微臣戀

主情殷恭懇

聖恩允賜入

覲事竊臣叨荷

皇上聖恩令臣署理兩江總督事務於

陞辭之日蒙

皇上念臣愚昧

訓誨諄諄詳明周至更蒙

特恩准臣於到任後一年之外奏請

陛見欽遵

恩旨感勒難忘伏念臣自到任以來庸愚罔効昏惰貽
咎皆歷蒙

皇上矜恤包容事無巨細悉邀

聖明之教導得以知所遵循是臣之一身與地方事務
無不仰藉我

皇上聖心之籌畫

聖訓之指示者也向因欽奉

上諭會勘水利並會查海塘工程等事未敢奏請

陛見今臣於欽遵

諭旨等事悉已奉行完竣仰祈

皇上鑒臣愚誠

允賜入

覲俾臣得瞻仰

天顏跪聆

聖訓不唯臣依戀愚忱得以稍展且於地方重務有所

遵循益知勉勵矣合謹繕摺仰懇

聖恩俯賜俞允恭候

命下之日臣即減從起行星馳赴

闕所有總督印務交代署理伏候

皇上諭旨遵行謹

奏

不必來京汝於陞辭時所領訓諭及於奏摺中隨事陸續所批諭旨俱未能遵照奉行此外更有何面諭耶江

南省第一緝捕盜賊訓練標兵為汝專責而嚴查窩家
尤為靖盜要務至於各省因事批答之諭旨甚明且切
若肯抄錄時時觀省較面諭更為詳悉何必多此無益
之往返况亦耽誤政事似此無故煩瀆寧不念朕日理
萬幾之勞乎在爾未必出於至誠在朕實費心目觀覽
即此數行硃字殊乏幕賓門客代為書寫也

噶爾泰何如其操守品行朕可力保但未知才克勝任
否陳時夏魏廷珍何如巡撫斯二人之操守居心朕亦

可保

雍正六年五月初十日署理江南江西總督印務

尚書

臣范時繹謹

奏為恭謝

天恩事竊

臣標齋摺把總齋捧

御賜皇輿圖十幅並

硃批諭旨到臣隨恭設香案望

闕叩頭謝

恩祇領訖當即跪讀

訓諭內蒙

皇上鑒知營兵器虧缺者多查驗之時率皆預為那
借有此積習我

皇上聖明察照洞悉營伍之隱弊

臣於聞

命之下益知儆惕務必設法實力稽查以求整理地方
緝拏盜賊斷不敢以申飭虛文徒形之於口舌復
不敢以因循故套遂輕信於見聞容

臣

詳審剔除

之法通行整理以收實效以除積弊另行奏

聞外再臣前奏臣總督衙門養廉之項蒙

諭於三省撫臣具奏時再加

恩施臣何人斯荷茲

天眷俾臣身受之下實不勝感激涕零頂戴難安唯有

恪遵歷奉

聖訓口誦心維勉力奉行期於地方事務加意籌畫練

兵弭盜察吏安民仰報

聖恩於萬一所有奉到

訓旨並

恩賜皇輿圖感激下悃合謹繕摺恭謝

天恩謹

奏

徒感何益惟勉盡責任中事為要古人云勤能補拙汝
原非經濟長才若不借通省之才以為才集衆人之力
以為力則不敷用不敷用則必至有所遺悞矣貴能勤

察勤問不宜偏聽偏信自心公正何人不可為耳目何
事不可增識見舍勤別無他術也於此要費一番苦心
方有實效勉之

同日又

奏為酌歸帑項改定彙交經收之法以杜弊累事臣
查兩淮鹽商向有致送上下兩江巡撫司道以及
府廳州縣經管鹽務衙門規禮一項上江省每年
引規銀二萬三千八百七十兩下江省每年鹽規

銀九千九十兩前經鹽臣衙門奏明自雍正四年起抵補兩江無著虧空續因安徽所屬虧空銀兩奉

旨不准將鹽規抵補欽遵在案今兩江省分事同一例

現將此項銀兩查催貯庫

臣

伏念鹽規一項既議

歸公必期實在自難容其懸闕參差虛存名色經臣屢飭查催貯庫據前任鹽運使張燦報稱各官規項銀兩甲辰綱已經照數支送乙巳綱又經支

送過半迨查各官之解交司庫者則尚寥寥無幾
多皆諉卸遷延揆厥所由緣拘於分送之例商人
致送各官各官自行解庫其間多一轉折遂致歧
悞遲延臣愚以為此項銀兩固不可聽商分送亦
不可徑交藩庫宜即以商項歸之運庫在交納之
商既不致舍近趨遠而經收之官亦便於核實查
收臣請嗣後自雍正六年現行之丙午綱起即將
上下兩江鹽規引規諭令兩淮商人按時彙齊交

納運庫不必仍前分送倘原收各官仍有勒取者
許令商人呈明運司據實詳報臣即嚴查

題叅治罪總期責有專歸事無歧悞庶商省擾累官
易查核而弊端永杜帑項無虧矣臣緣錢糧關係
謹據愚昧之見先摺奏

聞恭候

皇上睿鑒指示遵行再臣查總督衙門亦有鹽規銀二
萬四千兩又隨禮銀一千二百兩亦應一並令其

交入運庫以期畫一合併陳明謹

奏

所奏可行爾其斟酌妥確第恐地方各官或明辭暗索
商人有不得不應之情則重複病商仍所不免詳審為
之

雍正六年六月初七日署理江南江西總督印務

尚書

臣范時繹謹

奏為恭謝

天恩事竊臣標齋摺把總齋捧

硃批訓旨並

御賜香定一匣到臣隨郊迎至署恭設香案望

闕叩頭謝

恩祇受並謹跪讀

訓旨蒙

皇上天恩教導臣於欽承之下不禁感激涕零且愧且

奮伏念臣昏庸下質重荷封疆虛糜廩祿報稱無

能更緣受

恩深重戀

主情殷乃至不揣陳詞罔知冒昧今荷

聖恩訓示

諭知江南省第一緝捕盜賊訓練標兵係臣專責而嚴
查窩家尤為靖盜要務又各省因事批答之

上諭甚明且切

諭臣時時觀省較面諭更為詳悉煌煌

天語

至聖至明臣唯凜遵恪守銘勒五中斷不敢面奉心違

稍容忽畧從此悉心體認實力奉行以期不負

皇上勤求吏治

訓誨臣子之

仁恩於萬一所有微臣奉到

恩賜

聖訓感激下悃合謹繕摺奏

謝謹

奏

勉之勉之亦不必遠法前人但近觀鄂爾泰田文鏡李
衛等當知愧奮彼丈夫兮我丈夫無可遲疑觀望處朕
君臨天下六載年逾五旬矣豈肯將國計民生為人徇
情面乎是者福至否者禍隨斷然不爽若以因循塞責
為平穩之路持祿保身為巧宦之術則大錯矣竭力勉
為之

同日又

奏為謹報二麥收成分數恭慰

聖懷事臣謹看得江省麥田今歲雨澤調勻陰晴應候

不分高下等田悉皆成熟俱已登場茲臣查據上

下兩江各府州縣所報麥收分數俱有八九十分

不等咸稱豐足更喜穫麥之後連得雨澤所在秧

苗悉得插遍但自五月二十五日雨後天氣炎熱

近日江鎮一帶山田雖未亢旱頗覺望雨臣到省

之日隨敬謹齋戒祈禱於初六日雖得微雨未為
溥濟臣仍現在虔誠祈禱一獲霑足另謹奏

聞外再前於五月初間連據宿州靈璧邳州各地方報
有生出蝻子一二處俱經臣飛飭撲除今已覆稱
悉皆淨盡禾苗無傷再臣又查江省各屬米價自
麥熟之後日漸平減實屬四野豐寧萬民安樂所
有麥熟分數以及秧苗米價情形合謹據實奏

聞謹

奏

夏令但恐雨水過多耳旱之一字似不須愁至於祈禱一節必自問果誠方可舉行今日設壇求雨明日修醮祈晴視若遊戲則屬妄舉對人尚且不可豈可對

天地神明耶祈禱雖賴一時誠敬然平日若不能仰不愧俯不忤亦未必應也此理須見透始可祈禱自乏感格之誠反疑神明杳渺難明一涉於不信不敬則至不可問矣爾其敬慎為之所更當知者凡遇災患專事祈求

尚不如省察過失痛自悔艾

上天必賜憐佑蓋地方官民未有無過而降災眚之理也至若蝗蝻為災人力猶可驅除但於初發時即宜盡力督率撲滅若稍懈弛任愚民情玩致令飛起則為害不淺據稱已皆撲盡之言未可深信若有欺蔽不實貽累於汝領罪不起也查地方有司之陽奉陰違者嚴叅重處一二人以為不實心任事者戒

雍正六年六月二十日署理江南江西總督印務

尚書臣范時繹謹

奏為奏

聞事竊臣據遊擊侯宗周稟稱六月初四日夜有千總
李宣等在於蘇州之上新橋地方緝獲訪犯魯三
並察知該犯即與浙江案內現在查拏之滋泥大
王通氣知情隨經從容誘問滋泥大王是何名姓
住何居址據供滋泥大王的名叫做希貴卿還有
二大王夏士標三大王魯君選又希貴卿之子希

元長希貴卿之孫希麻子共有鐵色船五隻帶有器械他的夥盜最多希貴卿是頭兒他們常在丹陽常州太倉崑山吳江及浙江之嘉湖楓涇烏鎮一帶地方往來行劫今希貴卿的本家住在江寧秣陵關又魯君選住在三里灣又夏士標住在太平府當塗縣李崗頭地方等語押犯前來臣即委令把總吳璉親押魯三作眼並委令城守營副將張玉金協緝去後即於當夜據把總吳璉現將滋

泥大王希貴卿拏獲又副將張王金亦於同日將
希貴卿之夥盜徐盛先即號稱黃魚大王者一併
拏獲解送到來臣隨飭交細加訊問據希貴卿供
稱自知敗露將伊先後為匪情形並同夥衆犯以
及伊子希元長伊孫希麻子與夥黨魯君選等十
餘人現在俱往吳江地方行劫未回逐一供出續
又據把總楊明自當塗縣地方將夏士標拏解前
來俱各取供在案臣查盜犯內希貴卿徐盛先二

名歷據訊質係於上年十二月內臣衙門曾准浙
江督臣李衛咨會欽奉

密旨查拏在案除將兩犯錄供存案先即移解赴浙收
審至該犯在江南供出各等盜夥情事容臣逐一
拏獲餘犯到日再行關移該犯來南質審定擬具
題合謹繕摺奏

聞謹

奏

此案盜犯緝獲甚屬可嘉汝等督撫果若實心盡力天下未有不能辦理之事其奈大家因循玩愒不肯竭盡乃職何謂如此方可保持祿位此風不知起自何時此語亦不知出自何典朕諄諄教誨多中試用始獲田文鏡鄂爾泰李衛等數人耳汝等抱慚與否朕則不知至若朕乏識人之明昧化人之德實自羞愧而日夜為之不寧今因李衛善於靖盜已有旨令節制下江數府從茲愧奮愈加黽勉清理盜案亦由汝或因有人代勞將

捕緝之事置之膜外而不一問亦任汝為之也

同日又

奏為謹報雨水情形恭慰

聖懷事前臣因江鎮一帶地方山田望雨隨謹虔誠祈禱曾於六月初六七日連得驟雨二次雖可接濟尚不透潤臣仍敬謹自責步行求禱續於初八日據查江北揚屬一帶地方及省城南一帶僉獲大雨又初九日鎮江太平一帶得雨最大初十日江

寧地方亦得大雨新插秧苗漸皆滋長自十五日以後天氣又覺晴熱臣仍照常虔誠祈禱今於十八日又得大雨民田咸稱霑足之至所有江省近日得雨情形合謹奏

聞謹

奏

覽得雨情形深慰朕懷但歷觀江浙地方不過春間偶爾患旱一入夏令每至雨水過多滂之一字亦不可不

預為慮及

今有新補福泉縣楊興道看來似有才力行止未必端
方此人若好則出格好員否則不可測也當留心訪察
試用密之勿令人知朕經覲面再三訓諭未知伊能聽
從否也

同日又

奏為奉

旨事雍正六年五月十九日接准提督九門步軍統領

衙門咨稱江南潁州霍邱縣居民裴榮呈報為謀
反叛逆事據經口奏奉

旨此事雖係荒唐亦不可不斟酌爾差官將原告帶往
江南總督范時繹衙門著范時繹差人密訪不可聲
張將為首幾人設法誘至案前細問實情再將夥犯
嚴拏亦未為遲務要慎密不可造次生事若一聲張
便成一番事矣欽此欽遵到臣隨委知府呂大雲
守備姚士毅一同前去飭令慎密訪誘不得造次

聲張去後茲於六月十五日先據稟報在於霍邱
地方業將咨內有名首犯設法誘獲除查明已經
身故並老病取保及原告裴榮不能知其住址仍
交地方官密查外現據獲有各犯計三十六名並
稱多係農業生理窮民看其蹤跡亦無作匪情形
先行報聞前來所有此案各犯業經誘獲緣由合
謹先摺奏

聞謹

奏

總有裴榮對質真偽可以立辨今既未露風聲有名人
犯又已拏獲則事更易辦理矣或係挾讐或有別故秉
公審究自無遁情毋因其向為農業現無作匪形迹遂
爾草率忽畧也立心為大匪之人小惡自必不為須要
再四詳慎揆度情理切不可冤抑無辜尤不可因係奉
旨案件急迫從事也

雍正六年七月二十六日署理江南江西總督印

務尚書臣范時繹謹

奏為恭謝

天恩事雍正六年六月初十日臣標齋摺把總齋捧
硃批諭旨並

恩賜

御冠欽定駢字類編一部到臣隨郊迎回署恭設香案
望

闕叩頭謝

恩祇受又於七月初五日復奉

天恩賜臣內製乳酥果脯二匣並

硃批諭旨到臣隨謹跪迎恭謝

天恩訖伏讀

訓諭倍切悚惶臣即草木無知亦覺天良難昧唯有凜
承我

皇上寧民圖治之

聖心勸善懲奸之

此志好勉之又勉可也倘朕調爾他任另用人來將爾
至意務以實心實力矢慎矢勤於地方事務加意籌畫
所料理不及處措置妥協時爾何顏立於天地之間視
鼂勉勿解從此痛改因循舊習力圖後効仰報
息耶是亟當奮勉者
皇上諄諄訓誨之

隆恩於萬一再臣前拏獲滋泥大王希貴卿等緣此案

供出夥盜頗多皆宜按名捕緝必須就此質認臣

恐即行解浙或因往返耽延時日致羣盜知風免
是

脫是以尚未解浙今業將同夥等犯火速跣拏次
第弋獲其未獲者尚有七犯今蒙

皇上諭令浙江督臣李衛節制下江數府俾臣得協力

應如^趨事實深感奮此案應俟督臣李衛奉命之後一並聽其調質合併聲明謹

奏

覽

同日又

奏為奉

旨事竊臣前准步軍統領衙門來咨將裴榮所告謀叛

案內有名人犯誘獲三十六名口於稟到之日謹
先具摺奏

聞訖臣將被告之裴肖生張聖音等三十六人歷加
盤詰並無妖法謀叛實據即質之原告之裴榮始
則閃爍改移繼則私情敗露緣裴榮勒索伊子裴
肖生之婦起釁懷仇所以捏詞誣告今據裴榮供
稱我告的話既無証據我也不辯了但狀詞
主子已曾見過若認了誣告怎麼回奏

主子只求把兒子媳婦斷給領回我的謊狀想個法兒
圓成了罷等語似此語言狂悖竟屬誕妄誠如我
皇上聖明照鑒事果荒唐者也除交按察司研審成案
定擬具

題外再臣前於遵

旨委員訪誘之時所到之處毫無聲張近又據霍邱縣
稟稱所在地方照常安靜報明到臣合併據實奏
聞謹

奏

如此則裴榮可惡極矣審明定擬具題候旨可也

雍正六年八月二十二日署理江南江西總督印

務尚書臣范時繹謹

奏為奏

聞事雍正六年八月十七日據淮揚道報稱據海州詳
准山東安東衛移據把總時永盛稟稱董家汎內
亭子蘭地方有船二隻俱是白色船上旗子亦是

白的守臺兵丁嚴禦打砲數次彼竟不理止鳴鑼
響鼓及天明二十四日往水靈寺去了不一時又
往龍灣口去了等情到道轉報到臣查此船雖未
入江南汛界然既據詳報不敢稍分疆界隨即備
據前情密封咨會京口將軍撫提鎮臣各皆嚴飭
偵探協力稽查臣又密行移知隣省河東山東浙
江督撫臣等俾互相覺察一體查拏去訖又於十
九日准浙江督臣李衛為密咨事內開風聞東洋

日本不甚安靜頗有蹤跡不惜重貲聘中國人教習弓箭籐牌偷買盔甲式樣打造戰船二百餘號操演水師聘一杭州武舉教射其與之偷帶轉聘

此事

私運禁物者皆素日信託舊領倭照洋商二三人

事應

據李衛奏聞已有旨密諭沿海督撫等矣但此等所為江浙閩廣在彼聚集之人漸多既有見聞將

實徒

前項情形具摺密令奸匪預覺潛匿得計醞釀成患涉虛亦未免惑

人聽

告但海洋接壤相應密咨等因到臣臣即密封移行

本省將軍撫提鎮臣外至於沿海營汛臣俱飛飭

旨漫

忽視之反置之不問也

加謹防範水師巡船務令不時巡哨所有大小口

岸如遇出入船隻嚴加盤詰不許一毫疎漏又臣

細繹浙江督臣咨內稱有與之偷帶轉聘私運禁

物者皆素日信託舊領倭照之洋商二三人所為

等語今隣省既有微覺則江省亦宜慎重臣查洋

此等

處發奸搃伏非實心竭忠任事而兼有經濟之才

者徒

彼此推諉務將江省各領倭照洋商姓名住址並

滋紛擾無益也勉為之密為之
其素日行為細加訪察有如浙省洋商不法形跡

立即研究除此隱弊以期內外肅清合謹繕摺奏

聞謹

奏

覽

雍正六年九月二十一日署理江南江西總督印

務尚書臣范時繹謹

奏為奏

聞事竊臣接准吏部咨繆沅呈送叅草虧空新泰縣知

縣朱成元任內送禮簿一案奉

旨博爾多現在江南質審別案着該部行文江南督撫將伊收受朱成元及通省屬官規禮訊取確供移送東省倘博爾多不吐實情即加刑訊欽此欽遵到臣隨經檄行布按二司公同嚴訊茲據各該司會詳稱據博爾多供稱我署山東布政司事到任之時各官照陋規送禮我一槩不曾收受記得有三四處送些柴米代儀我收了些有二千來銀子又收

了些器皿土儀食物但我到任未久各官尚未熟識如今再三思想這蒲臺縣自然是送的了還有一個霑化縣其餘實在想不起來嗣後交代清楚我已有了平規就沒收州縣的東西只有我母親壽日濟南官員備辦圍屏杯緞銀如意調羹送來上壽我也收了又供山東任上一年共有平規銀六萬六千餘兩除去巡撫三萬三千兩外自己實得銀三萬三千餘兩又供我蒙

皇上天恩調任江寧於進京去後巡撫陳世倌因各官
養廉已經奏准遂諭各官共補送銀九千七百餘
兩亦不知是何官名下再陳世倌又自送銀一萬
兩我到江寧纔知道的我在山東任上所得銀兩
俱一一供出就是夾死也再供不出來等語正在
訊問間博爾多忽即痰壅昏迷不省人事現在發
禁調治一俟痊可再加研訊各等情到臣臣除將
訊過博爾多口供並驗明委係身病各緣由先行

移明東省外合謹據實奏

聞謹

奏

博爾多甚屬可惡絲毫不可寬假干係自己本身何苦
為他人代受過愆當嚴訊重處以為負恩者戒

同日又

奏為恭謝

天恩事竊臣標把總賚回

硃批奏摺並奉到

恩賜荔枝一餅

臣

隨恭設香案望

闕叩頭謝

恩祇受訖拜領

寵錫跪讀

聖訓感激愧懼無地自容

臣

何人斯邀此

隆恩至深至渥唯有實心實力不貳不欺恪奉

聖訓仰體

天心刻刻凜遵事事奮勉期與共事文武諸臣協力同心以期地方寧謐仰報

仁恩於萬一所有微臣奉到

聖訓

恩賜感激下悃合謹奏

聞謹

奏

數次諭旨不為不明要者汝祖父積德何如能從與否

肯聽與否朕亦不敢預期也

雍正六年十月十五日署理江南江西總督印務

尚書

臣范時繹謹

奏為荷蒙

聖訓恩賜微臣感激遵奉恭謝

天恩事竊臣齋摺把總齋捧

硃批諭旨並

恩賜哈密瓜花糕克食到臣隨恭設香案望

闕叩頭謝

恩祇受跪讀

訓旨荷蒙我

皇上聖明指示無一不

照鑒機宜愚昧如臣得以遵循報効黽勉慎重之思益

切於懷惟念海疆機務必鄰境協力稽查以期寧

謐查前據浙省督臣李衛咨內開有閩人王應如

為日本排演陣法不久即故復薦廣東長鬚年滿

千總又有蘇州宋獸醫等語臣曾密飭署蘇州府

吳江縣知縣徐永祐察訪去後茲據覆稱銅商欠

項案內查有王應如一名其案現在審追今有伊

之同姓王君貽向與合夥生理目今代為分認銀

兩察詢之下且知王應如之子與僕各等下落緣

事關機密恐其驚覺尚未敢顯露窮究等語又據

覆稱今於蘇州地方業將宋姓獸醫訪出察知其

人名叫宋傳二現在出洋未歸又訪知宋傳二有

母舅名叫陳端亦係善能識馬現在蘇城等語臣

思既有其人自應誘問確實業今仍令將王君貽
陳端二人設法羈縻從容詢問務得實情現又密
交去訖尚未據覆所有訪得王應如之夥計王君
貽又宋姓獸醫的名宋傳二並伊母舅陳端各緣
由未敢遲滯先謹繕摺奏

聞並將微臣奉到

聖訓恩賜感激下悃一併繕摺恭謝

天恩謹

奏

察訪此等事件何須如此急驟亦不必逼迫屬員若用得其人自能竭力推求若用非其人逼迫之下徒滋紛擾反致洩漏於事何益徐徐留心密為之

雍正六年十一月十一日署理江南江西總督印

務尚書臣范時繹謹

奏為奏

聞事竊臣據淮徐道康宏勲稟稱十一月初六日有山東濟寧州河標把總來報十月二十九日五鼓突有賊衆用刀斧砍傷文武官七員衆賊隨往知州衙門將知州家眷殺傷不知數目將監門劈開放出囚犯各犯俱不敢附從高知州往省城未回有河標副將等帶領官兵連次擒剿後克寧道亦於本日下午趕到又加擒剿殺賊不知數目傷官兵七八名業已拏獲數人審訊口供說約定陝西河

南涿州徐州等處同日起手賊內有河南人刀鎗
器械俱全等因到臣臣即飛飭徐州該城守文武
官各皆嚴加防範並令毋得聲張煽惑聽聞唯以
密加訪察如形跡不倫者立即捕拏嚴究以靖地
方所有臣據聞濟寧信息現在辦理緣由合謹具
摺奏

聞謹

奏

汝等封疆大吏凡遇此等小事陡出意外宜鎮靜彈壓
為要倘稍露驚惶失措之態不但感動聽聞亦令屬員
胥役人等哂鄙也汝前此洋船之嚴飭目今徐州之防
範率皆臨渴掘井可見平時總未縈心幸原無事隨即
消釋設遇大患寧有濟耶全在無事之時刻刻留神於
所屬境內精擇捕役人等巡邏偵探令不法匪類無處
潛踪則地方自然寧謐潔清矣似汝此等料理朕實不
取觀汝一切作為總在事後張羅從未見於機先措置

一籌未知才力限於此耶抑或不肯留心於無事之時
耶殊難論定

同日又

奏為欽奉

上諭事雍正六年十月二十二日接奉兵部馬上遞到

黃袱摺匣一個臣謹跪接內係怡親王等遵

旨寄字到臣內開十月十九日奉

上諭岳鍾琪處有投書之奸民供出夥黨十餘人其在

楚省者已差人前往查拏可將居住江南之人開出
令范時繹密行緝捕明白究問勿使兔脫並將供出
別省之人亦開寫單內令范時繹知之總之查拏匪
類以速慎為要勿使漏網無辜不可拖累若拏獲之
後果係同夥便當究問其黨羽應行拘緝者著范時
繹一面辦理一面奏聞欽此遵

旨寄信前來並岳總督奏摺及名單抄錄馳寄等因到
臣臣即照單委按察司查拏去後於當夜即據該

司稟稱獲到車鼎豐一犯臣即率同按察司密提該犯取供在案續又據將車鼎賁拏到亦經取供除將原供錄呈

御覽外臣查車鼎豐既經供認張熙於上年八月內到過伊家有留住贈衣贈銀各情節則該犯係屬夥黨已有明據今臣現在嚴加監禁恭候

皇上諭旨指示遵行所有獲犯訊供緣由合謹繕摺奏聞謹

奏

知道了正犯皆在湖南現命部臣前往審理凡干案內
有名人犯咨文一到江省即迅速應付慎密料理毋令
或致漏脫滋生事端也

雍正六年十二月十六日署理江南江西總督印

務尚書臣范時繹謹

奏為請留人地相宜之員恭懇

聖恩事臣看得常州府知府包括自到任以來辦事實

心正已率屬洵屬才守俱優之員近查本年常鎮

淮屬緩漕等事案內該府有督催武進無錫江陰

宜興四縣康熙六十一年及雍正元年緩半漕米

屆限未完二案共應降六級現據蘇松糧道分案

造冊詳請咨部核議在案臣念該守包括身任地

方於錢糧盜梟案件悉能實心辦理今若咨部議

處例應降調臣緣地方起見所有該員在任實屬

人地相宜之處臣不敢因其例限屆叅匿不上

聞合謹先摺具奏倘得邀蒙

聖鑒恩賜該員於照例議處之後仍留原任實於地方

大有裨益臣謹據實奏

聞恭候

睿鑒施行謹

奏

包括好員應留原任所請是

雍正六年十二月二十二日署理江南江西總督

印務尚書臣范時繹謹

奏為奏報得雪日期恭慰

聖懷事竊照江省地方今歲秋成豐稔自初冬以來又
值雨水調勻秋種麥苗悉已長發臣查據上江之

寧國池州等府屬各縣又下江之蘇州松江常州
淮安揚州等府屬各縣俱報於十二月初二日得
雪三四五分不等邳州海州所屬並宿遷各地方
報於十一月十七八等日得雪一寸或八分不等

今江寧地方於本月十五六日得雪積至四寸有餘臣復委員四郊查勘據稱溥遍霑足所在農民歡歌

聖瑞臣又查得邇來江省各屬米價悉皆照常並無增長所有得雪日期合謹繕摺奏

聞謹

奏

覽奏得雪深慰朕懷

欽定四庫全書



殊批前
卷一上

硃批諭旨卷一上